




Խմբի մի մասը (խոցման գոտում հայտնված) զբաղեցնում է պաշտպանական դիրք, կրակով կաշկանդում հակառակորդին և նրա ուշադրությունը շեղում դեպի իրեն՝ «ավելի շատ աղմուկ ու ծուխ»։ Մյուս մասը (հակառակորդի կողմից հարձակման չենթարկված) շրջանցում է հակառակորդի դարանը և հարվածում նրան թևերից կամ թիկունքից։ Շրջառումը պետք է իրականացվի արագ, գաղտնի, հնարավորինս շրջառելով հակառակորդին ամբողջությամբ։ Շրջանցող խումբը միաժամանակ կրակ է բացում միայն հակառակորդի թև կամ թիկունք դուրս գալուց հետո և ոչնչացնում նրան։




Նախամարտակարգ «եռատերևուկ» և «շեղանկյուն»



Հակառակորդին հանկարծակի հանդիպելիս առավելությունը միշտ այն կողմում է, ով կրակում է առաջինը: Եթե խումբը հայտնաբերվել է հակառակորդի կողմից, ապա պետք է անմիջապես կրակ քաշել նրա ուղղությամբ, հաշվի չառնելով ինչ ուժերի է նա տիրապետում: Մարտի առաջին պահերին առավելագույն խոցումը հասցվում է հրաձգային զենքերի և նոնականետների խիտ կրակով, իսկ մերձամարտում՝ ձեռքի բեկորային նոնակներով: Խմբի գործողությունների շահերից ելնելով անհրաժեշտ է հնարավորինս սեղմ ժամկետում ոչնչացնել (գերի վերցնել) հակառակորդի ամբողջ խումբը՝ թույլ չտալով նրա նահանջել և ռեզերվների հետ փոխգործակցել:

Հակառակորդի գերակշռող ուժերի հետ մարտի բռնվելիս կամ նրա զգալի ռեզերվների մոտեցման դեպքում, խումբը չպետք է ներգրավվի երկարատև պայքարի մեջ և թույլ տա, որպեսզի հակառակորդը խումբը կաշկանդի մերձամարտում, քանի որ մերձամարտը խմբին կգրկի հրետանու և ավիացիայի աջակցությունից՝ անձնակազմի համար վտանգավոր լինելու պատճառով: Սկզբում պետք է կրակով ճնշել հակառակորդին, ստիպել նրան պատսպարվել ինտենսիվ կրակից և դրանով իսկ ճնշել նշանառու կրակը: Հակառակորդին ճնշելու համար կիրառել ենթափողային նոնականետերը և ռեակտիվ հակատանկային նոնակները, կանխել խմբի հետապնդման փորձերը ականների տեղադրմամբ: Այնուհետև, կրակով և ականներով ծածկել խմբի մարտակարգի այն տարրի գլխամասային դետքի հեռացումը, որն ամենամոտն է հակառակորդին, մարտի վարման բնագծին կամ կրել է մեծ կորուստներ (ապահովել, առաջին հերթին, վիրավորների տարահանումը), իրականացնել առանձին ենթախմբերի հաջորդական ետ քաշումը (դետքերը, հաշվարկ-եղյակները և զույգերը):



Երթակարգում, նախամարտակարգում մարտիկների միջև հեռավորությունը որոշվում է ստորաբաժանման հրամանատարի կողմից՝ հաշվի առնելով տեղանքի բնույթը և իրավիճակի պայմանները: Շատ կարևոր է դետքերի մշտական կապը խմբի միջուկի հետ, որի համար սահմանվում են պարզ, հեշտ հիշվող տեսողական և ձայնային ազդանշաններ, ինչպես նաև ռադիոազդանշաններ: Տեսողական ազդանշանները տրվում են ձեռքի ժեստերով, գենքի դիրքի փոփոխությամբ, գլխարկի միջոցով, լապտերի լուսային ֆիլտրով: Ձայնային ազդանշանները պետք է ընդօրինակեն անտառի պատահական հնչյունները կամ կենդանիների, թռչունների ձայները, որոնք բնորոշ են տվյալ տարածքին, տարվա եղանակին և օրվան: Ռադիոյով ազդանշանները փոխանցվում են գունմերով կամ խոսափողը թակելով: Գլխամասային դետքը խնդիր ունի խմբի շարժման երթուղում տեղանքի հետախուզում իրականացնել և կանխել թշնամու հանկարծակի հարձակումը խմբի վրա: Որպես կանոն, գլխամասային դետքում ընդգրկվում են անադմուկ կրակող զենքով (ԱԿՁ) զինված առավել պատրաստված, փորձառու զինծառայողները (Նկ.3):



Նկ.3 Գլխամասային դետքի սպառազինության տարբերակ